

## A Lèsnan for di e destrukshon di Jerusalèm:

### ❖ E rechaso di e amor di Dios.

- Hesus a yora segun ku E tabata aserká Jerusalèm (Lukas 19:41-44). E tabata sa ku nan lo sufri e konsekuensianan bon meresí di nan rechaso kabesura (kaprichoso) di Dios Su yamadanan amoroso (Mat. 23:37).
- El a yora pasombra e tragedia lo por a wòrdú evitá. Pasombra Dios ta stima nos asina tantu ku E no kier pa ningun hende muri, pero pa kada un tin bida etérno (Juan. 5:39-40; Ezek. 18:31-32).
- Historia ta bisa nos ku e Hudiunan a rebeldiá den e año 66 kontra di abuzunan Romano. E varios afiliashonnan(gruponan) Hudu a bringa entre nan mes, mientras e Romanonan a pone atake riba e stat. Den e año 70 tur kos a terminá. Tito a destruí Jerusalèm i e Tèmpel . Un miyon Hudu a peresé.
- Pero historia no ta bisa nos kon Satanás a stimulá e Hudiunan na rebellion, i e Romanonan na vengansa. E destrukshon di Jerusalèm tabata e trabou direkto di e diabel. Dor di bira for di e fuente di bida, Israel tabata na e miserikòrdia di un enemigu ku ta buska solamente destrukshon i morto.

### ❖ Dios Su kuido pa Su pueblo..

- Den Su amor, Dios a duna un oportunidat na kada un kende tabata kier a skapa destrukshon. El a duna un señal: Jerusalèm rondoná pa ehérsitonan (Lukas p21:20).
- Gaius Cestius Gallus a cumpli ku e señal ei den e año 66. E atake a wòrdú lantá, i e lider fanátiko Eleazar Ben Simon a pursiguí e Romanonan i a derotá nan.
- Kada unu kende a kere den Hesus Su palabranan a probechá di e momentu ei ora ku Jerusalèm a wòrdú lagá sin defensa pa hui.
- Algun lunanan despues, Nero a manda Vespasian pa stop(kaba ku) e rebellion. For di e año 67 pa 70, e atake tabata permanente.
- Dios por i kier protehá Su yiunan, asta den e tempunan di mas difisil (Salmo 46:1; Isa. 41:10). Sinembargo, hopi a pèrdè nan bida pa motibu di nan fieldat na Dios (Heb. 11:35-38).
- Pakiko algun ta protehá i otronan, aparentemente, bandoná dor di Dios?

## B Lèsnan for di e promé Kristiannan:

### ❖ Fidelidat den e persekushon.

- E komiensonan tabata di berdat ku speransa: kombertimentunan a numerá den e milesnan (Echonan 2:41; 4:4); e kreyentenan a prediká ku poder (Echonan 4:31; 5:42).
- Pero e enemigu tabata intrankil. Promé menasanan (Echonan 4:17-18); despues, kastigunan (Echonan 5:40); finalmente, morto (Acts 7:59).
- Pa motibu di e persekushon lantá dor di Saulo, e disipelnan a wòrdú plamá (Echonan 8:1). Pero, leu for di e lus pagando, danki na e fieldat di e kreyentenan, esaki a briya ku muchu mas lustro dor di henter e mundu konosí (Echonan 8:4; 11:19-21; Rom. 15:19; Kol. 1:23).
- Hesus a duna Su Iglesia un encargo i e poder pa hiba esaki padilanti (Echonan 1:8Ningun poder, físiiko òf spiritual, por para e avanse di e evangelio (Mat. 16:18; Rom. 8:31).

### ❖ Yuda esnan den mester.

- Ki efekto e evangelio tabatin riba e promé Kristiannan (Echonan 2:42-47)?
- Komo embahadónan di Kristu, nan a imitá Hesus. Dor di kuida pa e nesesidatnan di esnan rònt di nan, nan a gana e fabor di e pueblo kompleto.
- Manera e tempu ei, e Iglesia mester wòrdú karakterisá dor di e amor di Kristiannan pa un na otro, i dor di interes pa nan komunitat.

### ❖ Amor, nos señal di identidat.

- Kada un di e partidonan envolví den e konflikto kósmiko tin su propio karakterístikanan: Satanás ta odia i ta destruí; Dios ta stima i ta restorá.
- Siguidornan di un partido òf un otro ta aktua segun e patronchinan aki. Si nos sigui Dios, nos lo demostrá esaki dor di e amor mustrá na otronan (1Juan . 4:20-21).
- Kristiannan di e di dos i di tres siglo a pone amor generoso na práktika. Durante di dos pandemia(malesa) mayo (den e añanan 160 i 265 ) nan a dediká nan mes pa kuida pa esnan afektá, sin tuma na kuenta nan propia siguridat.

- Nan ta duna nan mes for di amor, i nan a benefisiá miyones di hende. Pero nan no a hala nan atenshon na nan mes, pero na esun pa kende nan tabata dispuesto pa duna nan bida, nan Salvador: Hesus.